



An Coiste um Shaoirsí Sibhialta, um Cheartas agus um Ghnóthaí Baile

2020/2216(INI)

15.2.2021

TUAIRIM

ón gCoiste um Shaoirsí Sibhialta, um Cheartas agus um Ghnóthaí Baile

chuig an gCoiste um an Margadh Inmheánach agus um Chosaint an Tomhaltóra

maidir le todhchaí dhigiteach na hEorpa a mhúnlú: bacainní ar fheidhmiú an mhargaidh aonair dhigitigh a bhaint agus úsáid na hintleachta saorga (IS) a fheabhsú do thomholtóirí Eorpacha
(2020/2216(INI))

Rapóirtéir don tuairim: Annalisa Tardino

(*) Coiste comhlachaithe – Rial 57 de na Rialacha Nós Imeachta

PA_Nach bhfuil ceangailteach ó thaobh dlí

MOLTAÍ

Iarrann an Coiste um Shaoirsí Sibhialta, um Cheartas agus um Ghnóthaí Baile ar an gCoiste um an Margadh Inmheánach agus um Chosaint an Tomholtóra, mar an coiste atá freagrach, na moltaí seo a leanas a ionchorprú ina thairiscint i gcomhair rúin:

- A. de bhrí go bhfuil teicneolaíochtaí intleachta saorga (AI) á bhforbairt go tapa agus go bhfuil siad á n-úsáid in go leor earnálacha, ar deiseanna ollmhóra iad do na Ballstáit, dá saoránaigh agus do gheilleagar na hEorpa;
 - B. de bhrí, i bhfianaise na géarchéime a tharla mar thoradh ar an gcoróinvíreas agus an tionchar suntasach a bhí aici ar ár saol ó thaobh úsáid uirlisí digiteacha a mhéadú, gur práinní an gá creat iontaofa, slán a chruthú do chur i bhfeidhm na hintleachta saorga;
 - C. de bhrí go bhfuil rioscaí ag baint le húsáid IS agus go bhfuil ábhair imní ann maidir le heitic, raon feidhme agus trédhearcacht bhailiú, úsáid agus scaipeadh sonrai pearsanta;
 - D. de bhrí nach mbíonn creat dlíthiúil AE reatha, lena n-áirítear maidir le cosaint tomholtóirí, ná rialacha sábhalteachta agus dliteanas táirgí oiriúnach i gcónaí chun aghaidh a thabhairt go héifeachtach ar na rioscaí atá ann mar thoradh ar an intleacht shaorga, an róbataic agus teicneolaíochtaí gaolmhara;
1. á chur i bhfáth gur gá creat iontaofa, slán a fhorbairt do chur i bhfeidhm na hintleachta saorga lena gcuirtear leis an reachtaíocht atá ann cheana; á chreidiúint gur cheart, le cur i bhfeidhm na hintleachta saorga laistigh den Aontas agus leis an úsáid ghaolmhar a bhaintear as sonrai pearsanta shaoránaigh AE, go n-urramófaí ár luachanna agus ár gcearta bunúsacha mar a athnítar i gCairt um Chearta Bunúsacha an Aontais Eorpaigh, amhail dínit an duine, priobháideacht, cosaint sonrai agus slándáil;
 2. á thabhairt chun suntais a thábhachtaí atá timpeallacht IS a fhorbairt a bheadh in ann na deiseanna a bhaineann le teicneolaíochtaí IS a uasmhéadú ach na rioscaí a bhaineann leis a íoslaghdú agus, thar aon ní eile, a bheadh in ann cosc a chur lena n-úsáid chun críoch mailíseach; á chur i bhfáth gur cheart, leis an gcreat sin, córais iomchuí maidir le dliteanas, cuntasacht, slándáil agus inrianaitheacht a chinneadh go soiléir, chun éiginnteacht dhlíthiúil a sheachaint;
 3. á chur i bhfios go láidir, ós rud é go gcumhdaíonn IS, de réir sainmhínithe, próiseáil sonrai, nach mór di dlí an Aontais maidir le cosaint sonrai a urramú, go háirithe an Rialachán Ginearálta maidir le Cosaint Sonrai (RGCS);
 4. á mheabhrú go bhféadfadh claontacht a bheith mar thoradh ar IS agus dá bhrí sin cineálacha éagsúla idirdhealaithe bunaithe ar ghnéas, cine, dath, bunús eitneach nó sóisialta, gnéithe géiniteacha, teanga, reiligiún nó creideamh, tuairim pholaitiúil nó aon tuairim eile, ballraíocht de mhionlach náisiúnta, maoin, breith, míchumas, aois nó claonadh gnéasach; á mheabhrú, i ndáil leis an méid sin, nach mór cearta gach duine a chosaint go hiomlán, agus nár cheart go mbeadh tionscnaimh IS idirdhealaitheach ar bhealach ar bith;
 5. ag cur béim ar an bhfioras gur féidir leis an gclaoíeadh agus leis an idirdhealú sin

eascairt as tacair sonraí atá claonta cheana féin, rud a léiríonn an t-idirdhealú atá sa tsochaí faoi láthair; á chur i bhfáth go gcaithfidh IS claontacht as a dtagann idirdhealú toirmiscthe a sheachaint agus nár cheart dó próisis idirdhealaithe a atáirgeadh; á chur i bhfios go láidir gur gá na rioscaí sin a chur san áireamh agus teicneolaíochtaí intleachta saorga á ndearadh, chomh maith leis an tábhacht a bhaineann le bheith ag obair le soláthraithe teicneolaíochta intleachta saorga chun aghaidh a thabhairt ar easnaimh mharthanacha lena n-éascaítar an t-idirdhealú; á mholadh go léireofaí éagsúlacht na sochaí leis na foirne a dhearann agus a fhobraíonn IS;

6. á chur i bhfáth go bhfuil sé fiorthábhachtach sláine agus slándáil lónraí intleachta saorga agus róbataic idirnasctha a chosaint, agus nach mór bearta láidre a ghlacadh chun athléimneacht a áirithí i gcoinne ionsaithe agus chun sáruithe slándála, sceitheadh sonraí, nimhiú sonraí, cibear-ionsaithe agus mí-úsáid sonraí pearsanta a chosc;
7. á athdhearbhú a thábhachtaí atá sé na hacmhainní is gá a chur ar fáil d'údaráis neamhspleácha um chosaint sonraí poiblí le go mbeidh siad in ann faireachán a dhéanamh ar chomhlíonadh an dlí maidir le cosaint sonraí agus é a fhorfheidhmiú go héifeachtach;
8. á thabhairt dá haire a thábhachtaí atá sé algartaim a bheith trédhearcach chun cearta bunúsacha a chosaint go hiomlán; á chur i bhfios go láidir gur gá do reachtóirí, i bhfianaise na mórimpleachtaí eiticiúla agus dlíthiúla, breathnú ar shaincheist chasta an dliteanas, go háirithe maidir le damáistí do dhaoine agus do mhaoin, agus gur cheart go mbeadh an dliteanas i ngach feidhm intleachta saorga i gcónai ag duine nádúrtha nó dlítheanach;
9. á thabhairt dá haire go n-úsáidtear AI go minic chun algartaim chinnteoireachta uathoibrithe a chumasú chun an t-ábhar a thaispeántar d'úsáideoirí a scaipeadh agus a chur in ord; á chur i bhfáth go bhfuil na halgartaim sin ina ‘mbosca dubh’ d'úsáideoirí; á iarraidh ar an gCoimisiún moltaí a mholadh chun an smacht atá ag úsáideoirí ar an ábhar a fheiceann siad a mhéadú, agus chun a cheangal ar fheidhmchláir intleachta saorga agus ar ardáin idirlín an deis a thabhairt d'úsáideoirí an t-ábhar a thaispeáint in ord neodrach a roghnú, chun rialú níos mó a thabhairt dóibh ar an gcaoi a rangaítear ábhar dóibh, lena n-áirítear roghanna chun rangú lasmuigh dá ngnáthnósanna tomhaltais inneachair, agus chun diúltú go hiomlán do choimeádú ábhair ar bith;
10. á chur i bhfáth nach mór, le forbairt na gcóras intleachta saorga, go n-urramófar prionsabail na trédhearcachta agus na cuntasachta, agus go mbeifear in ann tuiscint dhaonna a fháil ar na gníomhaíochtaí agus ar na cinní a chinntear le teicneolaíocht na hintleachta saorga; á chur i bhfios go láidir a thábhachtaí atá sé cur chuige atá dírithe ar an duine a áirithí agus ancreat rialála á fhobairt le haghaidh teicneolaíochtaí intleachta saorga chun urraim do chearta bunúsacha a ráthú; á chur i bhfáth, i ndáil leis an méid sin, nach mór d'úsáideoirí a bheith ar an eolas faoin gcaoi a n-úsáidtear a gcuid sonraí, agus faoi na huaireanta a bhíonn siad ag cumarsáid nó ag idirghníomhú le córas intleachta saorga chun cur le feasacht, le hiontaoibh agus le muinín na dtomholtóirí as teicneolaíochtaí nua;
11. á mheabhrú go n-áirítear le RGCS ceart chun a bheith curtha ar an eolas faoin loighic a bhaineann le próiseáil sonraí;

12. á mheabhrú, de réir Airteagal 22 de RGCS, go bhfuil an ceart ag daoine aonair idirghabháil a dhéanamh nuair a dhéanann cinneadh atá bunaithe ar uathphróiseáil difear suntasach dóibh.

FAISNÉIS MAIDIR LE GLACADH SA CHOISTE AR IARRADH TUAIRIM AIR

Dáta an ghlactha	4.2.2021
Toradh na vótála críochnaithí	+ : 48 - : 1 0 : 4
Feisirí a bhí i láthair ag an vótáil chríochnaitheach	Magdalena Adamowicz, Malik Azmani, Pernando Barrena Arza, Nicolas Bay, Vladimír Bilčík, Vasile Blaga, Ioan-Rareş Bogdan, Patrick Breyer, Saskia Bricmont, Joachim Stanisław Brudziński, Jorge Buxadé Villalba, Damien Carême, Clare Daly, Marcel de Graaff, Anna Júlia Donáth, Lena Dupont, Cornelia Ernst, Nicolaus Fest, Jean-Paul Garraud, Andrzej Halicki, Balázs Hidvéghi, Sophia in 't Veld, Patryk Jaki, Lívia Jároka, Assita Kanko, Peter Kofod, Moritz Körner, Alice Kuhnke, Jeroen Lenaers, Lukas Mandl, Nuno Melo, Roberta Metsola, Nadine Morano, Maite Pagazaurtundúa, Nicola Procaccini, Emil Radev, Paulo Rangel, Terry Reintke, Diana Riba i Giner, Ralf Seekatz, Michal Šimečka, Tineke Strik, Ramona Strugariu, Annalisa Tardino, Dragoș Tudorache, Tom Vandendriessche, Jadwiga Wiśniewska, Javier Zarzalejos
Comhaltaí ionaid a bhí i láthair ag an vótáil chríochnaitheach	Anne-Sophie Pelletier, Tomáš Zdechovský

**TORADH NA VÓTÁLA CRÍOCHNAITHÍ LE GLAO ROLLA SA CHOISTE AR
IARRADH TUAIRIM AIR**

48	+
ECR	Joachim Stanisław Brudziński, Jorge Buxadé Villalba, Patryk Jaki, Assita Kanko, Nicola Procaccini, Jadwiga Wiśniewska
EPP	Nicolas Bay, Nicolaus Fest, Jean-Paul Garraud, Peter Kofod, Annalisa Tardino, Tom Vandendriessche
NI	Laura Ferrara, Martin Sonneborn, Milan Uhrík
EPP	Magdalena Adamowicz, Vladimír Bilčík, Vasile Blaga, Ioan-Rareş Bogdan, Lena Düpont, Andrzej Halicki, Balázs Hidvégihí, Lívia Járóka, Jeroen Lenaers, Lukas Mandl, Nuno Melo, Roberta Metsola, Nadine Morano, Emil Radev, Paulo Rangel, Ralf Seekatz, Javier Zarzalejos, Tomáš Zdechovský
RENEW	Malik Azmani, Anna Júlia Donáth, Sophia in 't Veld, Moritz Körner, Maite Pagazaurtundúa, Michal Šimečka, Ramona Strugariu, Dragoș Tudorache
NA GLASAIGH/SCE	Patrick Breyer, Saskia Bricmont, Damien Carême, Alice Kuhnke, Terry Reintke, Diana Riba i Giner, Tineke Strik

1	-
ID	Marcel de Graaff

4	0
An CHLÉ	Pernando Barrena Arza, Clare Daly, Cornelia Ernst, Anne-Sophie Pelletier

Eochair do na siombailí a úsáidtear:

- + : i bhfabhar
- : i gcoinne
- 0 : staonadh